

MSc mewn Rheoli Iechyd a Gofal Uwch - Ysgoloriaethau i Dalu'r Ffioedd Llawn

CYMHWYSEDD, PROSES DDYRANNU, AMODAU A THELERAU A FFURFLEN GAIS PRIFYSGOL ABERTAWE

Academiâu Dysgu Dwys, Polisi Dyrannu Ysgoloriaethau sy'n Talu'r Ffioedd Llawn

1. DIBEN Y DYFARNIADAU

Mae Llywodraeth Cymru am gefnogi dysgwyr proffesiynol yn y GIG, ym maes Gofal Cymdeithasol a'r Trydydd Sector yng Nghymru i ymgymryd ag addysg a datblygiad personol mewn meysydd polisi allweddol, ac mae wedi sefydlu rhaglen Academi at y diben hwn. Mae cyllid grant gan Lywodraeth Cymru yn galluogi pob Academi i gynnig nifer o ysgoloriaethau hael i ymgeiswyr cymwys.

Mae ysgoloriaethau ar gyfer y ffioedd llawn ar gael ym Mhrifysgol Abertawe ar raglen yr MSc mewn Rheoli Iechyd a Gofal Uwch. Mae ysgoloriaethau sy'n talu'r ffioedd llawn ar gael ar lwybrau'r MSc mewn Rheoli Iechyd a Gofal Uwch (sy'n Seiliedig ar Werth) a'r MSc mewn Rheoli Iechyd a Gofal Uwch (Arloesi a Thrawsnewid). Mae nifer cyfyngedig o leoedd a ariennir, a chaiff y rhain eu dyrannu yn unol â'r meini prawf isod.

Hefyd, mae cyllid ar gael i gefnogi lle ar y cwrs Doethur a Addysgir (DBA) a'r rhaglen Addysg Weithredol. Ceir gwybodaeth am y rhain yn rhywle arall.

Os hoffech drafod eich cais am le a ariennir, cysylltwch â Chyfarwyddwr y Rhaglen, Dr Rod Thomas.

2. Y BROSES YMGEISIO

- i. Mae myfyrwyr yn dilyn proses safonol Prifysgol Abertawe i ymgeisio am MSc.
- ii. Gall myfyrwyr gyflwyno cais am le a ariennir ochr yn ochr â'u cais am le ar y rhaglen, ond ni chaiff ceisiadau am y lleoedd a ariennir eu hystyried nes y penderfynir eu bod yn gymwys am le ar y rhaglen.
- iii. Mae angen i fyfyrwyr gwblhau'r ffurflen gais isod, gan gynnwys y datganiad o gefnogaeth gan eu cyflogwyr.
- iv. Penderfynir ar ddyfarnu Ysgoloriaethau gan y Panel Dyfarnu Lleoedd a Ariennir, a rhoir gwybod i ymgeiswyr. Caiff y rhai sy'n aflwyddiannus yn eu ceisiadau am ddyfarniadau ysgoloriaethau gymryd lle fel dysgwyr sy'n hunan-ariannu pe tasent yn dymuno gwneud hynny.
- v. Rhaid cyflwyno ceisiadau am ysgoloriaethau erbyn **4pm ar 17 Mawrth 2022**. Hysbysir i ymgeiswyr am benderfyniad y panel erbyn **15 Ebrill 2022**.
- vi. Ni thelir cyllid yr ysgoloriaeth i'r myfyrwyr, ond wrth gofrestru byddant yn derbyn hysbysiad bod eu ffioedd wedi'u talu.

3. Y BROSES DYFARNU'R YSGOLORIAETH

- i. Dyfernir ysgoloriaethau gan y Panel Dyfarnu Lleoedd a Ariennir. Mae'r panel yn cynnwys Cyfarwyddwr y Rhaglen, arweinwyr Llwybrau ac aelod perthynol o Gyfadran arall yn y Brifysgol.
- ii. Dyfernir ysgoloriaethau ar gyfer ffioedd llawn ar sail tystiolaeth o'r budd mwyaf i'r ymgeisydd, i'w gyflogwr ac i'r cleifion, defnyddwyr y gwasanaeth neu'r gymuned y mae'n ei chefnogi, yn ogystal â chyfrannu at ddeilliannau Cymru Iachach¹. Bydd y penderfyniad yn seiliedig ar y dystiolaeth a gyflwynir yn y ffurflen gais gan yr ymgeisydd a'i gyflogwr. Os ni ddyfernir yr holl ysgoloriaethau, bydd lleoedd a ariennir na chawsant eu dyrannu yn symud ymlaen ar gyfer cyrsiau yn y dyfodol.
- iii. Ym mhob cylch cyllido, bydd y panel yn cytuno ar ddyraniad penodol yr ysgoloriaethau yn unol â swm y cyllid sydd ar gael a lleoedd na chawsant eu dyrannu ac sy'n symud ymlaen o garfannau blaenorol. Dyrennir cyllid ar draws dulliau astudio amser llawn a rhan-amser yn unol â'r galw ac ansawdd yr ymgeiswyr. Dyrennir ysgoloriaethau i gyfleu bwriad i gefnogi dysgwyr o bob un o'r tri grŵp a dargedir, yn unol â'r dosbarthiad canlynol: GIG (40%), gofal cymdeithasol (40%) a'r trydydd sector (20%).
- iv. Caiff ceisiadau eu sgorio fel y nodir yn y ffurflen gais yn Atodiad 1 isod, rhoir safle iddynt yn eu sector, a dyrennir ysgoloriaethau yn unol â'r dosbarthiad uchod ac ansawdd y ceisiadau a dderbynnir.
- v. Dylai ymgeiswyr nad ydynt yn fodlon â phenderfyniad y Panel Dyfarnu Lleoedd a Ariennir gysylltu â Dr Roderick Thomas, Cyfarwyddwr y Rhaglen yn y lle cyntaf.
- vi. Cyflwynir adroddiad am ddyfarnu'r cyllid i Fwrdd Penderfynu a Chymeradwyo'r Academi Dysgu Dwys.

4. CYMHWYSTRA

- i. Mae angen i ymgeiswyr fodloni'r gofynion mynediad ar gyfer lle ar y rhaglen MSc mewn Rheoli Iechyd a Gofal Uwch.
- ii. Rhaid bod ymgeiswyr yn:
 - Gweithio gyda/i'r Gwasanaeth Iechyd Gwladol, ym maes gofal iechyd, gofal cymdeithasol neu'r Sector Gwirfoddol yng Nghymru ar hyn o bryd, a
 - Rhaid bod ganddynt gadarnhad o gefnogaeth a lofnodwyd gan eu cyflogwyr gan ddefnyddio'r ffurflen a ddarperir gan y Brifysgol
 - yn huanu o'r DU neu rhaid bod ganddynt 'statws sefydlog' (mae hynny'n golygu nad oes cyfyngiadau o ran pa mor hir y caiff ymgeiswyr aros yn y DU); ac yn
 - Byw yn y DU a'r Ynysoedd am dair blynedd cyn diwrnod cyntaf blwyddyn academiaidd gyntaf eich cwrs.
- iii. Rhaid bod ymgeiswyr yn ymgeisio am lwybr yr MSc mewn Rheoli Iechyd a Gofal Uwch (sy'n Seiliedig ar Werth, neu Arloesi a Thrawsnewid) sy'n dechrau yn y flwyddyn academiaidd 2021-22.
- iv. Mae ysgoloriaethau ffioedd ar gael i ymgeiswyr sy'n ymgeisio am raglenni astudio amser llawn a rhan-amser.

¹ <https://gov.wales/sites/default/files/publications/2019-04/in-brief-a-healthier-wales-our-plan-for-health-and-social-care.pdf>

v. Nid yw'r Ysgoloriaethau'n destun prawf modd, h.y. ni fyddant yn dibynnu ar incwm teulu ymgeisydd.

vi. Nid ystyrir myfyrwyr sydd eisoes â chyllid llawn neu rannol.

5. AMODAU A THELERAU:

i. Mae ysgoloriaeth lawn gwerth £11,250 ar gyfer yr MSc, er mwyn talu ffioedd llawn y rhaglen. Mae ymgeiswyr rhan-amser yn derbyn ysgoloriaeth ffioedd ar sail pro-rata, er mwyn talu eu ffioedd dros gyfnod y rhaglen.

ii. Dylai ymgeiswyr gyflwyno cais am eu hysgoloriaeth ffioedd ochr yn ochr â'u cais am le ar y rhaglen. Dylai ymgeiswyr atodi eu cais am ysgoloriaeth (gweler Atodiad 1 isod) i'w cais am y rhaglen.

iii. Bydd yr Ysgoloriaeth yn lleihau cost y Ffioedd Dysgu ac nid oes modd i ymgeiswyr dderbyn yr ysgoloriaeth yn uniongyrchol.

iv. Ni ellir gohirio ysgoloriaethau. Mae'n rhaid i ymgeiswyr dderbyn yr ysgoloriaeth erbyn y dyddiad a nodwyd yn y llythyr dyfarnu.

v. Bydd ysgoloriaeth sy'n cael ei chynnig i ymgeisydd ond ei gwrthod cyn cofrestru yn cael ei chynnig i ymgeisydd ar y rhestr wrth gefn. Rhwir gwybod i ymgeiswyr cyn gynted â phosib ond, dylai ymgeiswyr ar y rhestr wrth gefn chwilio am ffynonellau cyllid eraill oherwydd nad oes sicrwydd y bydd Ysgoloriaeth ar gael.

vi. Anogir deiliaid Ysgoloriaeth i gymryd rhan yng ngweithgareddau marchnata a recriwtio'r Brifysgol.

vii. Mae'n ofyniad yr Ysgoloriaeth eich bod yn cwblhau² eich astudiaethau.

Os yw myfyriwr yn tynnu'n ôl o'i radd Meistr Ôl-raddedig ar ôl i ysgoloriaeth gael ei dyfarnu iddo, caiff yr Ysgoloriaeth lawn ei chanslo a gallai'r myfyriwr fod yn atebol* am ad-dalu'n llawn unrhyw swm o'r ysgoloriaeth sydd eisoes wedi cael ei dalu tuag at ffioedd dysgu. **Efallai na fydd myfyrwyr sy'n tynnu'n ôl oherwydd rhesymau personol anorchfygol (er enghraifft, iechyd, beichiogrwydd) yn atebol i ad-dalu'r Ysgoloriaeth yn llawn.*

viii. Os ystyrir bod angen i ddeiliad Ysgoloriaeth ohirio ei astudiaethau, caiff yr Ysgoloriaeth ei haddasu ar sail pro-rata hyd at ddechrau'r absenoldeb, a chaiff gweddill yr ysgoloriaeth ei gadw yng nghyfrif y Brifysgol a'i symud ymlaen at flwyddyn ail-ddechrau'r astudiaethau.

6. Y RHEOLIAD CYFFREDINOL AR DDIOGELU DATA (GDPR)

i. Os ydych yn cyflwyno cais am ysgoloriaeth i astudio ym Mhrifysgol Abertawe, bydd yn ofynnol i Brifysgol Abertawe gasglu, storio, defnyddio a phrosesu gwybodaeth amdanoch chi, at ddibenion sy'n gysylltiedig â'r broses ymgeisio ac am resymau y tybir eu bod yn angenrheidiol er mwyn cymryd camau cyn ymrwymo i gytundeb dan gontract gyda'r Brifysgol.

²Yn y cyd-destun hwn, mae cwblhau yn golygu mynychu'r holl gwrs a chwblhau'r asesiadau gofynnol.

7. CYFLE CYFARTAL

i. Sefydliad cyfleoedd cyfartal yw Prifysgol Abertawe. Felly byddwn yn rhoi proses ymgeisio dienw ar waith, lle ni fydd y panel yn gweld manylion personol.

ii. Byddwn yn monitro cyfleoedd cyfartal yn unol â pholisi'r Brifysgol ar gyfer cyfleoedd cyfartal.

ATODIAD 1: FFURFLEN GAIS

Cyfle Cyfartal

Sefydliad cyfleoedd cyfartal yw Prifysgol Abertawe. Felly byddwn yn rhoi proses ymgeisio dienw ar waith, lle nid ystyrir manylion personol wrth ddyfarnu lleoedd a ariennir. Felly, gwnewch yn siŵr eich bod yn cynnwys gwybodaeth adnabyddadwy bersonol yn y manau a nodir ar y ffurflen yn unig.

Rhan 1: Gwybodaeth Adnabyddadwy Bersonol. [Mae'r adran hon at ddibenion gweinyddol ac ni fydd ar gael i'r panel dyfarnu]

ENW	
RHIF YMGEISIO PRIFYSGOL ABERTAW	
DYDDIAD GENI	
CYFEIRIAD E-BOST:	

Atodwch eich ffurflen gais am ysgoloriaeth wedi'i chwblhau i'ch cais ar-lein am le ar y rhaglen.

Rhan 2: Sut bydd y cwrs o fudd i chi, eich sefydliad a'r cleifion / defnyddwyr gwasanaeth yr ydych yn gweithio gyda nhw. (Osgowch ddefnyddio gwybodaeth adnabyddadwy bersonol os bydd yn bosibl)

Dywedwch wrthym y sector, y cyflogwr a'r lleoliad yr ydych yn gweithio ynddo, a sut mae eich swydd bresennol yn cyd-fynd â deilliannau'r cwrs (Uchafswm o 300 gair - 5 pwynt i'w dyfarnu)

Sut bydd eich dysgu'n cyfrannu at gyflawni deilliannau Cymru Iachach? (Uchafswm o 300 gair - 5 pwynt i'w dyfarnu)

Pa effaith fydd y cwrs hwn yn ei chael ar eich sefydliad a'ch defnyddwyr gwasanaeth? (uchafswm o 300 o eiriau? - 5 pwynt i'w dyfarnu)

RHAN 3: DATGANIAD GAN GYFLOGWR

I'w gwblhau gan reolwr llinell yr ymgeisydd neu uwch-reolwr perthnasol

Trafodwch sut bydd eich sefydliad yn elwa ar gyfranogiad y dysgwr yn y rhaglen a phrosiect yn y gweithle, a pha effaith yr ydych yn disgwyl iddo gael. (uchafswm o 500 o eiriau? - 5 pwynt i'w dyfarnu)

Cadarnhewch y cefnogir yr ymgeisydd, os bydd yn llwyddiannus, i gael amser digonol wedi'i ddiogelu er mwyn cwblhau'r rhaglen a'r prosiect ac ymgymryd â'r dysgu hunangyfeiriedig sy'n ofynnol.

Enw, teitl a dyddiad

Llofnodwyd gan _____ ar ran (enw'r sefydliad) _____

